

К ОПУБЛИКОВАНИЮ

КОМИ РЕСПУБЛИКАСА ВЕСЬКӖДЛАН КОТЫРЛӖН ШУӖМ

2021 во вылӧ да 2022 да 2023 воясса планӧвӧй период вылӧ Коми Республикаса сьӧмкуд да вот политикаын медшӧр нырвизьяс йылысь

Коми Республикаса Веськӧдлан котыр шуис:

1. Ошкыны 2021 во вылӧ да 2022 да 2023 воясса планӧвӧй период вылӧ Коми Республикаса сьӧмкуд да вот политикалысь медшӧр нырвизьяссӧ (водзӧ – Медшӧр нырвизьяс) содтӧд серти.

2. 2021 во вылӧ да 2022 да 2023 воясса планӧвӧй период вылӧ Коми Республикаса республиканскӧй сьӧмкуд бала лӧсьӧдӧгӧн Коми Республикаса сьӧм овмӧс министерстволы, Коми Республикаса мукӧд олӧмӧ пӧртысь власьт органлы, Коми Республикаса Юралысьӧн котыртӧм Коми Республикаса канму органьяслы, кодьяс координируйтӧны да ладмӧдӧны лӧсялана отраслясын (веськӧдлан сфераясын) уджсӧ, кутчысьны Медшӧр нырвизьясӧ.

3. Вӧзйыны Коми Республикаын меставывса асвеськӧдлан органьяслы локтан финансӧвӧй во да планӧвӧй период вылӧ меставывса сьӧмкуд балаяс лӧсьӧдӧгӧн кутчысьны Медшӧр нырвизьясӧ.

4. Лыддыны вынтӧмӧн «2020 во вылӧ да 2021 да 2022 воясса планӧвӧй период вылӧ Коми Республикаса сьӧмкуд да вот политикаын медшӧр нырвизьяс йылысь» Коми Республикаса Веськӧдлан котырлысь 2019 во йирым тӧлысь 3 лунся 464 №-а шуӧм.

5. Тайӧ шуӧмсӧ олӧмӧ пӧртӧм бӧрся видзӧдны Коми Республикаса Веськӧдлан котырӧн Юрнуӧдысьӧс вежысьлы, кодӧ кывкутана могьяс юклӧм серти координируйтӧ сьӧмкуд, финансӧвӧй, кредитнӧй политика да вот юалӧмьяс серти Коми Республикаса олӧмӧ пӧртысь власьт органьяслысь уджсӧ.

6. Тайӧ шуӧмыс вынсялӧ сӧйӧс примитан лунсянь, 4 пункт кындзи, мый вынсялӧ 2020 вося тӧвшӧр тӧлысь 1 лунсянь.

Коми Республикаса Веськӧдлан котырӧн
Юрнуӧдысьӧс Медводдза вежысь

И. Булатов

Сыктывкар
2020 вося вӧльгым тӧлысь 13 лун
548 №

ОШКОМА
Коми Республикаса Вєськөдлан котырлөн
2020 во вöльгым тöлысь 13 лунся 548 №-а шуöмөн
(содтöд)

2021 во вылö да 2022 да 2023 воясья планöвöй период вылö
Коми Республикаса сьöмкуд да вот политикаын
МЕДШÖР НЫРВИЗЬЯС

2021 во вылö да 2022 да 2023 воясья планöвöй период вылö Коми Республикаса сьöмкуд да вот политикаын медшöр нырвизьяссö (водзö – Сьöмкуд да вот политикаын медшöр нырвизьяс) дасьтöма Россия Федерацияса сьöмкуд кодекслөн 172 статья да 184² статья (водзö – РФ СК), «Коми Республикаын сьöмкуд система да сьöмкуд процесс йылысь» Коми Республикаса Оланпаслөн 71 статья серти, 2020 воöдз да 2020 волөн медводдза во джынйын сьöмкуд да вот политика збыльмöдан кывкöртöдьяссö тöд вылö босьтöмөн.

Сьöмкуд да вот политикаын медшöр нырвизьяс дасьтiгөн тöд вылö босьтöма Россия Федерацияса Президентлөн Россия Федерацияса Федеральнöй Собраниеы 2020 во тöвшöр тöлысь 15 лунся Посланиеса, «2024 воöдз период вылö Россия Федерацияöс сöвмöдан национальнöй медшöр могьяс да стратегия боксянь могьяс йылысь» Россия Федерацияса Президентлөн 2018 во ода-кора тöлысь 7 лунся 204 №-а Индöдса (водзö – 204 №-а Индöд) да «2030 воöдз период вылö Россия Федерацияöс сöвмöдан национальнöй медшöр могьяс йылысь» Россия Федерацияса Президентлөн 2020 во сора тöлысь 21 лунся 474 №-а Индöдса (водзö – 474 №-а Индöд), 2017-2024 воясья период вылö Коми Республикалысь канму сьöм овмöс бурмöдан (рöскöд оптимизируйтан) уджтасса положениеяссö, мый вынсьöдöма Коми Республикаса Вєськөдлан котырлөн 2017 во рака тöлысь 29 лунся 151-р №-а тшöктöмөн.

Сьöмкуд да вот политикаын медшöр нырвизьяслөн медшöр могөн лöö условиеяс урчитöм, кутшöмьясöс примитöны 2021 во вылö да 2022 да 2023 воясья планöвöй период вылö Коми Республикаса республиканскöй сьöмкуд бала, сийöс лöсьöданногьяс лöсьöдöм могысь, Коми Республикаса республиканскöй сьöмкудлысь да Коми Республикаса сьöмкуд системаын мукöд сьöмкудлысь медшöр характеристикаяс да прогнозируйтан параметрьяс урчитöм.

I. 2019 воысь да 2020 вося медводдза во джынйысь
Коми Республикаса сьöмкуд да вот политикаын медшöр кывкöртöдьяс

2019 воысь Коми Республикаса сьöмкуд да вот политикаын медшöр кывкöртöдөн лоис сийö, мый зумыдмöдöма канму сьöм овмöс сфераын бур

нырвизьяссö, мый тöдчис Коми Республикаын социальнöй да экономика боксянь зумыд серпас видзöм вылö. Коми Республикаса сьöмкуд политикаын медшöр нырвизьöн лоис мероприятияяс збыльмöдöм, кутшöмьясöс веськöдöма уджйöз нагрузка чинтöм вылö.

Канму уджйöзсö шöркодъ тшупöдын, Коми Республикаса республиканскöй сьöмкудлысь зумыдлунсö да мынтысьны верманлунсö вылыс тшупöдын видзан могьяслöн тöдчанлуныс содö Россия Федерацияса сьöм овмöс министерстволöн динмуса сьöмкудьяслöн уджйöз нагрузка серти петкöдласьяс дорö ыджыд корöмьяссö да Россия Федерацияса субъектыяслöн сьöмкуд боксянь ашшöрлун серти дзескöдан мераяс пыртöм серти сылысь паськалысь уджмогьяссö тöд вылö босьтöмөн.

2017-2024 воясыя период вылö Коми Республикалысь канму сьöм овмöс бурмöдан (рöскöд оптимизируйтан) юалöмын комплекснöя босьтчöм могысь водзö збыльмöдöны татшöм жö нима Уджтас, мый вынсьöдöма Коми Республикаса Веськöдлан котырлöн 2017 во рака тöлысь 29 лунся 151-р №-а тшöктöмөн (водзö – Бурмöдан уджтас).

Сылысь мероприятияяс збыльмöдан кывкöртöдьяс серти öтувья сьöмкуд окталуныс 2019 воын лоис 6,9 млрд. шайт (планöвöй значениеысь 156,5 %), а 2020 вося сора тöлысь 1 лун кежлö индöм значениеяссö збыльмöдöма 89 % вылö (1,8 млрд. шайт).

Ставнас Коми Республика мутасысь 2019 воö чукöртöма 244,6 млрд шайт вот чöжöс, мый унджык 2018 вося тшупöдысь 6,6 млрд шайт вылö, либö 2,8 % вылö. Республика мутасысь вот воöмсö öтувтöм серти федеральнöй сьöмкудйын на лыдысь сöмын 36,4 % либö 89,2 млрд шайт, воис республикаса öтувтöм сьöмкудйö. Коми Республикаса öтувтöм сьöмкудйö вот чöжöсыс воис 2,6 млрд шайт, либö 3,0 % вылö унджык. Сы вылö видзöдтöг, мый республика мутасысь федеральнöй сьöмкудйö 2019 воын воöм вот чöжöслöн пайыс кольöм во серти эз вежсы (63,6%), мындаыс содiс 4,0 млрд шайт вылö, либö 2,7 % вылö.

3 % вылö, либö 2,7 млрд вылö, 2018 во серти содiс Коми Республикаса öтувтöм сьöмкудйö воöм вот да вотысь öтдор чöжöс мындаыс. Сийö лоис 89,8 млрд шайт. Та дырйи Коми Республикаса республиканскöй сьöмкудлöн вот да вотысь öтдор чöжöслöн öтувья ыдждаын тöдчана пайсö босьтöны вот воöмьяс – 95,7 %.

Кызди и пыр, 2019 воын вотысь чöжöс лöсьöдан шöр öшмöсьясөн лоöны: организацияслöн чуктöс вылö вот (33,3%), торья йöзлöн чöжöс вылö вот (28,4%), эмбур вылö вот (24,9%), акцизьяс (3,5%). 2019 воын вот чöжöсыс лоис унджык сы вöсна, мый содiс организацияслöн чуктöс вылö вот воöмыс, ёнджыкасö вот гырысь мынтысьясянь – мусир юкөнса вот мынтысьяслöн öтувтöм котырö пырысьöс. 2018 во серти вот пырöдчысьясянь ыдждаыс содiс 0,9 млрд шайт вылö, либö 3,2 % вылö, да лоис 29,9 млрд шайт.

Сидзжö содiс Коми Республикаса öтувтöм сьöмкудйö акцизьяслöн

воомыс, кутшомьяслон ыждаыс 2019 воын лоис 4,4 млрд шайт да содіс 2018 во серти 1,4 млрд шайт выло, либө 1,5 пөв. Воомьясыс енджыкасө содісны алкоголь продукция выло акцизьяс мынтөмысь чөжөс серти, 2019 воө сійө воис 1,6 млрд шайт да содіс 2018 во серти 1,0 млрд шайт выло, либө 2,8 пөв. Тайөс урчитөма федеральной оланпастэчас серти 2019 вося төвшөр төлысь 1 лунсянь Россия Федерацияса субъектыяслон сьомкудыасө крепыд алкоголь продукция выло акцизьяс мынтөмысь чөжөс юклан пöрадок вежөмөн.

15,2 % выло (либө 0,3 млрд выло) тшөтш содіс акцизьяс мынтөмысь чөжөс серти ыждаыс, кутшомьяс лооны мусирысь вөчөмторьяс выло республикаса туй фонд да муниципальной туй фондьяс артмөдан медшөр өшмөсөн.

Таысь кындзи, 2019 воын республиканской сьомкудйысь кад кежлө прөст сьомсө 24,5 млрд шайт мындаын банка депозитьяс выло пуктөм тшөт весьтө эмбурөн вөдитчөмысь чөжөсыс содіс 4,3 пөв, сійө лоис 0,5 млрд сайө шайт.

Такөд өттшөтш төдчымөн чиніс организацияслон эмбур выло вот серти воомыс – 1,8 млрд шайт выло, либө 8,1 % выло, помкаыс сыын, мый 2019 вося төвшөр төлысь 1 лунсянь вот перьян объектыяс лыдысь киритөма вөрзөдны поэяна эмбур.

Коми Республикаса вот оланпастэчаслысь положениеяссө вот да өктас йылысь Россия Федерацияса оланпастэчаслон положениеяс серти лөсьөдігөн 2019 во чөжөн вот перьяс юалөмьяс серти Коми Республикаса өткымын оланпасө вөлі пыртөма лөсялана вежсьөмьяс, а сідзжө примитөма торья нормативной инөда актыяс сы могысь, медым пöртны олөмө вот перьян патентной система, транспорт вот серти федеральной оланпастэчасса корөмьяссө.

2020 вося төвшөр төлысь 1 лунсянь вот мынтысьяс, кодьяс пырөдчөны Коми Республика мутасын национальной проектъяслон мероприятияяс збыльмөдөмө, а сідзжө вот мынтысьяс, кодьяс пыртөны дінму экономикаө инвестицияс быд во 15 млрд шайтысь оз этшаджык ыждаын, вермөны бергөдны организацияслон чуктөс выло вот серти инвестиция вотсө. Тайө инструментсө могмөдөны сы могысь, медым Коми Республика мутасын ышөдны водзмөстчисны инвестицияс боксянь.

Биару ломтас выло вуджөмсө өддзөдөм выло Коми Республика мутасын 2020 вося төвшөр төлысь 1 лунсянь 2024 вося өшым төлысь 31 лунөдз период выло урчитөма транспорт средство торья категория кутысьяслы, кодьяс моторной ломтас пыдди вөдитчөны природной биаруөн, транспорт вот серти урчитөм вот ставкаысь ставкасө 50 прөцент выло чинтөмөн вот кокньөд.

РФ СК-са корөмьяс олөмө пöртөм могысь да Россия Федерацияса субъектыяслысь да муниципальной юкөнъяслысь вот рөскөдсө донъялөм дорө өтувья корөмьяс серти, кутшомьясөс вынсьөдөма Россия

Федерацияса Вєськөдлан котырлөн 2019 во лөддза-номья төлысь 22 лунся 796 №-а шуөмөн, примитөма «Коми Республикаса вот рөскодлысь лыддьөг лөсьөдан да Коми Республикаса вот рөскодсө доньялан пöрадок вынсьөдөм йылысь» Коми Республикаса Вєськөдлан котырлөн 2019 во йирым төлысь 14 лунся 477 №-а шуөм (водзö – 477 №-а шуөм).

Нуөдөма вына вот кокньөдьяс, вот (вот рөскод) серти мездөмьяс да мукөд преференция Коми Республикаса канму уджтасьяслөн, Коми Республикалөн канму уджтасьясса тэчас элементьяслөн шөр могьяскөд йитөм.

2019 воө вынсьөдөмсянь, быд во колө вынсьөдны локтан во да планөвöй период вылө Коми Республикалысь вот рөскод лыддьөг, кöнi гижөма Коми Республикаса канму уджтасьяслөн, Коми Республикалөн канму уджтасьясса тэчас элементьяслөн медшөр могьяс серти Коми Республикаса вот рөскод юклөм йылысь, а сiдзжө вот рөскод серти кураторьяс йылысь төдмөгьяс.

Россия Федерацияса Вєськөдлан котырөн урчитөм öтувья корөмьяссö төд вылө босьтөмөн, а сiдзжө 477 №-а шуөм серти быд во доньялөны вот кокньөдьяслысь да чинтөм вот ставкаслысь окталунсö.

РФ СК-лөн 174³ статья серти 2020 воын Коми Республикаса вот рөскодсө доньялан бöртасьяссö босьтөма төд вылө Сьöмкуд да вот политикалысь медшөр нырвизьяс лөсьөдiгөн.

2020 воын COVID-19 коронавирус инфекция (водзö – COVID-19) паськалөм вöсна экономика серпас лөкмiгөн ёна чинiс Коми Республикаса сьöмкудьясö вот да öктас воöмыс.

Öнiя вося 8 төлысьөн Коми Республикаса республиканскöй сьöмкудлөн вот да вотысь öтдор чöжöсыс кольөм вося татшөм жö периодö воөмьяслөн тшупөд серти чинiс 12,6 млрд шайт вылө, либö 23,1 % вылө, а организацияслөн чуктöс вылө вотыс воöмыс чинiс кык пöv унджык.

Сы вылө видзөдтөг, мый коймөд кварталын воөмьяслөн чинан öдыс чинiс, водзвыв доньялөм серти 2020 вося кывкөртөдьяс серти воштөм вот да вотысь öтдор чöжöс ыдждаыс содас 16,4 млрд шайт вылө, мый 21,4 % вылө этшаджык воөмьяслөн кольөм вося тшупөдысь, а сiдзжө 2020 во вылө сьöмкудйö урчитөм вот да вотысь öтдор чöжöс ыдждаысь.

Та дырйи 5,5 млрд шайт öтувья ыдждаын Россия Федерацияса субъектьяслөн сьöмкудьяслысь öтвесьталунсö могмөдан мераяслы отсалөм вылө Коми Республикаөн федеральнöй сьöмкудйысь босьтөм содтөд дотациясыс, кутшөмьяс лыдысь 4,2 млрд шайтсö сетөма вот да вотысь öтдор чöжöс воөм чинөмсö компенсируйтөм могысь, сөмын мыйкö мында вештö Коми Республикаса сьöмкудьяслысь воштөм чöжöссö.

COVID-19 паськалөм да экономикаын водзмöстчөм чинөм вöсна артмис, мый колө öдйö примитны Коми Республикаса вот оланпастэчас серти стöчмөдөмьяс, медым видзны Коми Республикаын социальнöй да экономика боксянь зумыдлунсö.

Коми Республикаса Веськӧдлан котыр 2020 во чӧжӧн пыртис Коми Республика мутасын уджалысь ичӧт да шӧр предпринимательство (водзӧ – ИШП) субъектыяслы канмусянь отсӧг вылӧ веськӧдӧм ӧткымын содтӧд мера, сы лыдын сы могысь, медым чинтыны Коми Республикаын бизнес вылӧ вот нагрукасӧ.

Сидз, организацияяслы да асшӧр уджалысьяслы, кодъяс вӧдитӧны вот перьян кокньӧдӧм системаӧн, куим вося 2020 – 2022 период вылӧ вот ставкассӧ чинтӧма 2 пӧв (6%-сянь 3%-ӧдз сӧк, кор вот перьян объектӧн лоӧ чӧжӧс, да 15%-сянь 7,5%-ӧдз сӧк, кор вот перьян объектӧн лоӧ чӧжӧс, кытысь чинтӧма рӧскод ыдждалунсӧ).

Таысь кындзи, 2020 во кежлӧ 1%-ӧдз 2 пӧв чинтӧма вот ставкассӧ вӧрзӧдны позьтӧм эмбур объектъяс серти организацияслӧн эмбур вылӧ, кутшӧмъяс серти вот базасӧ индӧны кыдзи вӧрзӧдны позьтӧм эмбур объектъяслӧн кадастрӧвӧй дон. Татшӧм преференциясӧ урчитӧма ИШП субъектыяслы лыдӧ пыртӧм организацияслӧн вӧрзӧдны позьтӧм эмбур объектъяс серти.

2020 вося сора тӧлысь 1 лунсянь Коми Республика мутасын пыртӧма уджӧ «Уджсикасын чӧжӧс вылӧ вот» торъя вот режим, мый сетӧ позянлун «ас вылӧ уджалысь» гражданагы легализуйтны ассыныс предпринимательство уджсӧ этша сӧм видзӧмӧн да нуӧдны сийӧс водзӧ медся кокни да абу сӧкыд режимын.

Динму тшупӧда чӧжӧс база содтӧм серти мероприятияяс збыльмӧдӧм кындзи, ышӧдисны Коми Республикаын кар кытшьясса да муниципальной районьясса муниципальной юкӧнъяссӧ, кодъяс примитӧны меставывса сӧмкудйын чӧжӧс база содтан мераяс. Коми Республикаын кар кытшьясса, муниципальной кытшьясса да муниципальной районьясса муниципальной юкӧнъяслы, кодъяс воӧдчисны меставывса сӧмкудйын чӧжӧс база содтӧмын медбур бӧртасьясӧдз, грантыяс сетан пӧрадок серти, мый вынсьӧдӧма Коми Республикаса Веськӧдлан котырлӧн 2016 во косму тӧлысь 21 лунся 208 №-а шуӧмӧн, 2019 воын выль пӧв донъялӧма муниципалитетъяслысь уджсӧ, мый бӧрын грантыяссӧ сетӧма татшӧм муниципальной юкӧнъяслы, кодъяс веськалісны вит медбур муниципалитет лыдӧ: «Сыктивдин» МР, «Кӧрткерӧс» МР, «Сосногорск» МР, «Воркута» КК, «Изьва» МР.

2019 воын меставывса сӧмкудьясӧ вотысь да вотысь ӧтдор чӧжӧслӧн ӧтувья ыждаыс 2018 во серти содис 0,9 млрд шайт вылӧ да лоис 13,0 млрд шайт.

Меставывса сӧмкудьяслӧн вот чӧжӧсын медьӧна содисны вот воӧмьяслӧн татшӧм сикасыяс: ӧтувья видз-му овмӧс вот – 18% вылӧ, торъя йӧзлӧн эмбур вылӧ вот – 16% вылӧ, торъя йӧзлӧн чӧжӧс вылӧ вот – 15% вылӧ. Таысь кындзи, содисны материальной да абу материальной активьяс вузалӧмысь воӧмьяс – 54% вылӧ, штрафьяс – 28% вылӧ, вотысь ӧтдор воӧм мукӧд чӧжӧс – 3-ысь унджык пӧв.

Такöд öттшöтш колö пасйыны, мый мыйкö мында чинисны виччысына чöжöс вылö öтувья вот, му вот серти воöмьяс, а сідзжö эмбурөн вöдитчöмысь чöжöс да вөр-ва озырлунөн вöдитчöмысь мынтöмьяс.

Коми Республикаса сьöмкудсö кызди и пыр бура могмöдöмыс оз сет позянлун виччысьны федеральной сьöмкудйысь дотацияслөн мыйкö-мында тöдчана ыдждаяс. Таысь кындзи, сьöмкудйөн могмöдан муртöсөн вöдитчöмыс сідзжö чинтö и субсидияс сетігөн федеральной сьöмкудйысь сьöмөн öтув могмöдан медыджыд тшупöдсö.

Такöд öттшöтш национальной проектяс збыльмöдны заводитöмыс ставнас содтіс сьöмкудкостса торья мога трансфертяс тшöт весьтö öтувья водзöстөг воöм сьöм ыдждасö.

2019 воын водзöстөг воöм сьöм мындаыс лоис 9,6 млрд шайт да кольöм финансöвöй во серти содіс 726 млн шайт вылö.

Дотацияслысь ыдждасö 2-ысь унджык пöв чинтігөн содіс субсидияс ыдждаыс – 1,6 пöв, субвенцияс ыдждаыс – 1,2 пöв, мукöд сьöмкудкостса трансферт ыдждаыс – 2,3 пöв.

2019 воын Коми Республикаса öтувтöм сьöмкудйын рöскодыс ставнас 2018 во серти содіс 11,6% вылö, да лоис 95,5 млрд шайт.

2020 воын рöскодыс содіс водзö. Во помöдз планируйтана содöмыс лоас 2019 вося олöмö пöртан петкöдласьяс серти 20%-ысь унджык.

Коми Республикаса öтувтöм сьöмкудйысь сьöм видзан медыджыд нырвизьясөн лоöны велöдöм, йöзлысь дзоньвидзалун видзöм да социальной политика. Социальной могьяс решитöм вылö веськöдöм öтувья сьöм ыдждаыс лоö став сьöмкуд рöскодысь 70 % гөгөр.

Коми Республикаса öтувтöм сьöмкудйын удждон вылö да уджысь мынтысьöм серти мынтöмьяс дорö содтöдьяс вылö рöскодлөн пайыс вежсьытөг кольö ыджыдөн – 40% гөгөр.

Индöм лöсялöмьясыс, öти боксянь, висьталöны сы йылысь, мый ёнджыкасö дінму сьöмкудсö веськöдöма социальной могьяс вылö, а мöд боксянь, сы йылысь, мый медшөр, быть колана рöскодлөн тöдчана пай вöсна абу позянлуныс öдйö веськöдны сьöмсö мукöд мог вылö.

Водзö нуöдöма Россия Федерацияса Президентлысь 2012 во ода-кора тöлысь 7 лунся 597 №-а, 2012 во лöддза-номья тöлысь 1 лунся 761 №-а, 2012 во öшым тöлысь 28 лунся 1688 №-а Индöдьяс (водзö – майскöй индöдьяс) збыльмöдöм серти уджсö, мый веськöдöма Коми Республикаын быд морт вылö шөркодь чöжöссö тöд вылö босьтöмөн социальной юкөнса да наукаса торья категория уджалысьяслы (водзö – индöм категорияс) уджысь мынтысьöмын воöдчöм тшупöдсö кутöм вылö.

2019 воын Коми Республикаын канму да муниципальной учреждениесса индöм категория уджалысьяслөн удждонлысь торья мога петкöдласьясöдз воöдчöма. Сідзжö могмöдöма МРОТ кыпöдан юкөннын уджысь мынтысьöмын медічöt гарантияслысь содöмсö Ылі Войвыв районьясын да накöд öткодьялöм местаясын удждон дорö содтöм районной

коэффициент да прѳчента содтѳд тѳд вылын кутѳмѳн.

Коми Республикаса республиканскѳй сѳѳмкудйын сѳѳмкуд ассигнование планируйтѳгѳн быд во урчитѳны канму учреждениеясса уджалысьяслы, кодьяс оз пырны индѳм категориясѳ, удждон индексируйтѳм вылѳ сѳѳм: 2019 вося йирым тѳлысь 1 лунсянь – 4,0 % вылѳ, 2020 вося тѳвшѳр тѳлысь 1 лунсянь – 4,8 % вылѳ.

2020 волѳн I джынся кывкѳртѳдьяс серти могмѳдѳма сѳѳмкуд сфераын торья категория уджалысьяслы уджысь мынтысян тшупѳд да Коми Республикаын уджысь тѳлысья шѳркодъ чѳжѳслѳн тшупѳд костын воѳдчѳм лѳсялѳмлысь вежсьытѳмлунсѳ.

2020 вося медводдза джынйын сѳѳмкуд чѳжѳс чинѳгѳн да COVID-19 паськалѳгѳн Коми Республикаса республиканскѳй сѳѳмкудлысь став примитѳм рѳскод кѳсйысьѳмсѳ пѳртѳны олѳмѳ.

Таысь кындзи, урчитѳма Коми Республикаса республиканскѳй сѳѳмкудйын содтѳд сѳѳмкуд ассигнование (сы лыдын федеральнѳй сѳѳмкудйысь сетѳм сѳѳм тшѳт весьтѳ) COVID-19-лы паныд мероприятиеяс нуѳдѳм вылѳ, йѳзлысь дзоньвидзалун видзан да социальнѳя дорьян сфераясын Коми Республикаса канму учреждениеясын, кодьяс сетѳны услугаяс гражданылы, кодьяслысь эрдѳдѳма COVID-19, уджалысьяслы ышѳдан мынтѳмьяс вылѳ, гражданылы социальнѳя отсалан содтѳд мераяс сетѳм вылѳ, COVID-19 паськалѳмкѳд йитѳдын серпас лѳкмѳгѳн удж сетысьяслы отсалѳм вылѳ.

2018 во серти 2019 воын вѳлі тѳдчымѳн содтѳма муниципальнѳй юкѳнъяслы республиканскѳй сѳѳмкудйысь сѳѳмѳн отсѳгсѳ 2 млрд шайт вылѳ (8%), мый сѳдзжѳ ѳнджыкасѳ урчитѳма майскѳй индѳдьясса петкѳдласьяс збыльмѳдны коланлунѳн. 2020 во вылѳ планѳвѳй нырвизь серти, муниципальнѳй юкѳнъяслы сѳѳмѳн отсѳг сетан ыдждаыс содѳс нѳшта унджык – 2019 вося збыльвывса петкѳдласьяс серти 4 млрд шайт (15%) вылѳ.

2019 восянь тѳдчымѳн содтѳма Коми Республикаын муниципальнѳй районьяслы (кар кытшьяслы) сѳѳмѳн отсалан фондлѳн ыдждаыс, сы лыдын меставывса сѳѳмкудьяс балансируйтѳмсѳ могмѳдан мераяслы отсалѳм вылѳ дотациялысь ассигнованиесѳ выль пѳв юклѳм тшѳт весьтѳ. 2018 во серти индѳм Сѳѳмѳн отсалан фондлѳн ыдждаыс, кодлѳн сѳѳмысь сетсьѳны сѳѳмкудйын судзсянлунсѳ ѳткодялѳм могысь дотациясѳ, содѳма 1,5 пѳв (4,2 млрд. шайтѳдз). Индѳм мераясыс сетѳсны позянлун могмѳдны дѳнму сѳѳмкудйысь мукѳд сѳѳмкудкостса трансферт сетан медыджыд ыдждаѳ кутчысьѳмсѳ (10 % абу унджык), сы лыдын дотациясѳн, кутшѳмѳс урчитѳма РФ СК-лѳн 139¹ статьяѳн, а сѳдзжѳ кыпѳдны Коми Республикаса республиканскѳй сѳѳмкудйысь дотацияс юклѳмлысь тыдаланлунсѳ.

Уджйѳз нагрузка чинтѳм вылѳ веськѳдѳм Коми Республикаса уджйѳз политика збыльмѳдѳмсѳ тѳд вылѳ босьтѳмѳн 2019 во чѳжѳн абу

вөдитчөма коммерческой банкъяслөн кредитъясөн. 2020 во вылө татшөм кредитъясөн вөдитчөмсө урчитөма сьомкуд йылысь оланпасөн, но медичөт прөцент ставкаа казначейской кредитъясөн вөдитчөмөн артмис чинтыны канму уджайоз могмөдөм вылө рөскод содан өдсө.

Сы могысь, медым кыпөдны Коми Республикаса республиканской сьомкуд сьомөн вөдитчан бөртаслунсө да окталунсө, 2019 воын да 2020 вося медводдза во джынйын сідзжө водзө уджалөны өткымын нырвизьын.

Сідз, Коми Республикаса республиканской сьомкудсө дасьтөны да вынсьөдөны уджтаса да торъя мога принцип серти. «Уджтас форматын» сетөма сьомкудлысь 90%-ысь унджык сьомсө. Татшөм ногөн канму уджтасъяс өтсөгөн позьө йитны стратегическөя да сьомкуд планируйтөмсө да вөчны канму уджтасъяслысь инструментсө тыдаланаөн да гөгөрвоанаөн.

Сы могысь, медым вынсьөдны парламентской контрольсө, Коми Республикаса канму уджтасъяс збыльмөдөм да налысь окталунсө донъялөм йылысь вося сводной докладыс сетсө Коми Республикаса Юралысьөн Коми Республикаса Каналан Советө Коми Республикаса республиканской сьомкуд олөмө пөртөм йылысь вося өтчөткөд өттшөтш. Коми Республикаса канму уджтасъяс збыльмөдөм да налысь окталунсө донъялөм йылысь вося өтчөтъяссө канму уджтасъяс збыльмөдөмысь кывкутысьяс сетөны Коми Республикаса видзөдан-арталан палатаө.

2035 воөдз Коми Республикаөс социальной да экономика боксянь сөвмөдан стратегия примитөмсө төд вылө босьтөмөн, мый вынсьөдөма Коми Республикаса Велькөдлан котырлөн 2019 во косму төлысь 11 лунся 185 №-а шуөмөн, нуөдөма Коми Республикаса канму уджтасъяс вильмөдөм серти удж. 2019 воын дасьтөма да примитөма 18 канму уджтас (проектөн велькөдлан принципъяс төд вылө босьтөмөн), кутшөмъясөс заводитөма збыльмөдны 2020 вося төвшөр төлысь 1 лунсянь.

2019 восянь канму уджтасъясө пыртөны субсидияс да мукөд сьомкудкостса трансферт видзан бөртаслунлөн (бөртасъяслөн) став петкөдлас йылысь юөр, тайөс төд вылө босьтөмөн пыртөма вежсьөмъяс канму уджтасъяс збыльмөдан окталунсө донъялан методикаө.

2020 восянь сьомөн могмөдан ыдждалөн бөртасъяскөд өта-мөдкөд велькыда йитчөм могысь виль канму уджтасъясө содтөма «линейной» индикаторъяс, кутшөмъяс петкөдлөны канму уджтаслысь медшөр мероприятияяс збыльмөдөмсө.

Сы могысь, медым Коми Республикаын вуджны канмуөн велькөдлөмын проектной принципъяс вылө, водзө нуөдөны шөр нырвизьяс серти, кутшөмъясөс бөрийөма Россия Федерацияса Президент бердын Стратегической сөвмөдөм да верктуя проектъяс серти сөветөн, верктуя проектъяс збыльмөдан уджсө.

2019 во заводитчөмсянь дінму проектъяссө, кутшөмъясөс дасьтөма 204 №-а Индөд серти, пыртөны Коми Республикаса канму уджтасъясө да Коми Республикаса республиканской сьомкудйө шөр мероприятияяс

тшупöдын, кутшöмьяс лöсялöны сьöмкудлөн торья мога статьяслы. Сідзжö Коми Республикаса канму уджтасьясö содтысьöны торья содтöдьяс, кöні сетöма дінму проектяс йылысь дженьыд юөр, на лыдын 2024 воөдз петкöдласьяс йылысь тöдмөгьяс. Отчётнöй воын федеральнöй проектясөн юрнуöдысьяскөд кырымалöма национальнöй проектяслөн 12 нырвизь серти дінму проектяс збыльмөдöм йылысь 48 артмөдчöм. 2019 воын национальнöй проектяс збыльмөдöм вылö веськөдöм сьöм ыдждаыс лоис 6,6 млрд шайт, сы лыдын федеральнöй сьöмкуд сьöм тшöт весьтö 3,4 млрд шайт. 2020 воын национальнöй проектяс збыльмөдöм вылö урчитöма 10,4 млрд шайт, сы лыдын федеральнöй сьöмкуд сьöм тшöт весьтö 5,0 млрд шайт. 2020 вося 8 тöлысьөн видзöма 4,6 млрд шайт, сы лыдын федеральнöй сьöмкуд сьöм тшöт весьтö 2,3 млрд шайт.

Сы могысь, медым кыпöдны сьöмкудкостса трансфертгьяс сетан окталунсö, 2019 восянь заводитöмөн Коми Республикаса республиканскöй сьöмкуд йылысь оланпасөн вынсьöдöны положенияяс, кöні урчитöма меставывса сьöмкудьяслы торья мога сьöмкудкостса трансфертгьяс сетан практика индöм став трансферт вылö збыльывса коланлун серти паськөдöмсö, торья сикасгьяс кындзи, кутшöмьяслысь лыддьöгсö урчитö Коми Республикаса Веськөдлан котыр. Тайö сетіс позянлун чинтыны меставывса сьöмкудьяслөн тшöтгьяс вылысь торья мога сьöмкудкостса трансфертгьяслөн видзтöм колясгьяслысь ыдждасö.

Сы могысь, медым содтöд ышöдны меставывса асвеськөдлан органгьясöс воөдчыны социальнöя да экономика боксянь сөвман вылыс петкöдласгьясöдз, 2019 восянь Коми Республикаса Веськөдлан котыр заводитіс сетны Коми Республикаын кар кытшгьясса да муниципальнöй районгьясса муниципальнöй юкөньяслөн меставывса асвеськөдлан органгьяслысь да лöсялана администрациясса юралысьяслысь (юрнуöдысьяслысь) удж окталунсö доньялан бöртасгьяс серти грантгьяс.

Канмуөн веськөдлöмлысь да контрольлысь окталунсö кыпöдан факторгьясысь öтиөн лоö Коми Республикаса олöмö пöртгысь власьт органгьяслысь да Коми Республикаса канму учреждениеяслысь канму услугагьяссö канму да муниципальнöй услугагьяс сетан уна мога шöриньясö (водзö – УМШ) сетöм. Тайö сферасö сөвмөдöм серти примитöм мерагьясыс сетісны позянлун эскöдны услугагьяс сетан ногтуй вылö доньялöмсö – 99,8 % бура доньялöм, а сідзжö воөдчыны канму да муниципальнöй услугагьяс сетан сфераын петкöдласгьяслөн став мукөд планöвöй значениеöдз, кутшöмьясöс урчитöма Россия Федерацияса Президентлөн 2012 во ода-кора тöлысь 7 лунся 601 №-а Индöдөн (öчередын виччысян шöркодь кадыс – 7 минут планöвöй значение серти – 15 минут).

Примитöма Коми Республикаса нормативнöй инöда актгьяс, кутшöмьяс тöд вылö босьтöны подходгьяс, кутшöмьясöс урчитöма федеральнöй тшупöдын (Россия Федерациялөн субъектгьясса канму власьт органгьяс видзöм вылö рöскод нормируйтöм серти), да збыльмөдöма Коми

Республикаса олёмö пöртýсь власът органъясын уджалысьяслысь лыдсö чинтöм да Коми Республикаса канму учреждениесын уджалысьяслысь лыдсö содтöм серти мероприятиеяс. Сиджö нуöдöма Коми Республикаса канму учреждениеяс оптимизируйтöм серти мероприятиеяс.

2019 воын да 2020 во заводитчигöн коммунальнöй услугаяс вылö сьöмкуд рöскöдлысь окталунсö да бöртаслунсö кыпöдан сфераын босьтчисны кырымавны Коми Республикаын энергосервиснöй контрактъяс (водзö – ЭСКО). Вынсьöдöма социальнöй сфераса объектъяс вылын (велöдöм, спорт, йöзлысь дзоньвидзалун видзöм) энергия видзтан мероприятиеяс збыльмöдöм вылö ЭСКО механизмöн вöдитчан практика сöвмöдöм серти мероприятиеяслысь план («туй карта») (Коми Республикаса Велькöдлан котырлөн 2020 во урасьöм тöлысь 12 лунся 34-р №-а тшöктöм). «Энергия видзтöм серти Коми республиканскöй шöрин» КР КСУ-өн нуöдöм анализлөн кывкöртöдъяс серти эрдöдöма, мый ЭСКО колö кырымавны социальнöй сфераса 24 объектын (велöдöм, спорт, йöзлысь дзоньвидзалун видзöм).

2019-2020 воясö водзö нуöдöма динмуын закупкаяс öтүвтан тшупöдсö кыпöдöм серти водзвыв урчитöм уджъяс. Коми Республикаын öтүвтöмсö нуöдöны контрактнöй система йылысь оланпастэчас нормаясөн вöдитчан практикалөн öткодълунөн да сийö сетö позянлун чинтыны закупкаяс збыльмöдигөн торкöмъяслысь лыдсö закупкаяс серти, кутшöмъясöс заказчик нуöдö ачыс. Öтүвтöм закупкаяслөн венны позьтöм бурлунөн лöб нуöдан процедураяслысь юридическöй ногтуйсö кыпöдöм, закупкаяс сфераын квалификуйтöм специалистъяслысь уджсö оптимизируйтöм да лотъяссö медбура формируйтöм тшöт весьтö сьöмкуд сьöм видзтöм.

2020 вося сора тöлысь 1 лунсянь паськöдöма «Торгъяс котыртöмсö да нуöдöмсö могмöдан шöрин» Коми Республикаса канму казённöй учреждениелысь поставщикъясöс (пöдрадчикъясöс, збыльмöдысьясöс) индöм вылö уполномочитöмлысь уджмогъяссö Коми Республикаса заказчикъяслы поставщикъясöс (пöдрадчикъясöс, збыльмöдысьясöс) индан юкöнын сэк, кор ньöбöма национальнöй проектъяс збыльмöдöм вылö вузöс, уджъяс, услугаяс контрактлысь медводдза (медыджыд) донсö дзескöдтöг электроннöй аукционъяс да конкурсъяс нуöдöмөн.

2020 воын Коми Республикаса сьöм овмöс министерствоын методология боксянь отсалöмөн помалöны 2017 воын заводитöм динмулысь муниципальнöй закупкаяс öтүвъя типöвöй схема серти öтүвтан процессö, мый артмö муниципалитетлөн финансöвöй органын артмöдöм уполномочитöм орган пыр муниципальнöй юкөнса став заказчиклы вузöс, уджъяс, услугаяс ньöбöмсö котыртöмысь, мый могмöдö муниципальнöй юкöнын öтүвъя финансöвöй, сьöмкуд да вот политика нуöдöмсö да лöб сьöмкуд рöскöдлысь окталунсö кыпöдан веркутя нырвизъяс лыдысь öтиён.

Сьöмкуд сьöмөн вöдитчан тыдаланлунсö (восьсалунсö), окталунсö

кыпöдан нырвизь сöвмöдöмөн лoö сьöмкуд процессö уна йöзöс кыскöм. Меставывса тöдчанлуна юалöмьяс решитöмö (верктуя проектьяс бöрйöмö, сьöмөн могмöдöмö да найöс збыльмöдöм бöрся видзöдöмö) олысьяслысь веськыда пырöдчöмсö могмöдöны «Войтырлөн сьöмкуд» проект збыльмöдöм серти, кутшöмöс 2019 во вылö сьöмөн могмöдöма 2,3 пöв унджык да лоис 90,8 млн. шайт, мый сетис позянлун збыльмöдны колян во серти 2 пöв унджык проект (276 проект). 2020 воын меставывса водзмöстчöмьяслы отсалöм вылö Коми Республикаса республиканскöй сьöмкудйын урчитöма 2019 воысь нöшта 36% вылö унджык. Збыльмöдöм вылö 2020 воын бöрйöма 237 проект, на лыдысь 19 - «Школаын войтырлөн сьöмкуд» пилотнöй проект.

Таысь кындзи, 2019 вося косму тöлысьянь уджалö Финансöвöй тöдöмлун кыпöдан Коми Республикаса динму шöрин, мый сетö позянлун ладмöдны республикаса став организациялысь уджсö да нуöдны консультацияяс да уна сикас мероприятие унджык гражданакод. Сидз, финансöвöй тöдöмлун кыпöдöм вылö веськöдöм мероприятиеяслөн лыдысь, шöракостса кывкöртöдьяс серти, содис 10 % вылö (2 сюрс сайö), а финансöвöй тöдöмлун серти мероприятиеясö 2018 во серти пырöдчис 2,4 пöв унджык олысь (85 сайö пырöдчысь). Та вöсна Коми Республика кык во чöж нин пырö Финансöвöй туялöмьяс серти национальнöй агентстволөн ашшöра доньялöм серти финансöвöй тöдöмлун тшупöд серти куим медбур динму лыдö.

Дерт, медшöр лёк факторөн, мый медьёна тöдчö 2020 воын сьöмкуд олöмö пöртöм да баланс вылö, лoö COVID-19 паськалöм. Воштöм чöжöскöд öттшöтш Коми Республикалөн эм и видзчысьтöм рöскöд. COVID-19 паськалöм вöсна лoöm лёкторьясысь öлöдöм серти мероприятиеясысь вайöдöмаöсь 5,1 млрд шайт ыджадын Коми Республикаса республиканскöй сьöмкудйын содтöд рöскöдö, кутшöмьяс лыдысь федеральнöй сьöмкудйысь торья мога содтöд отсöг тшöт весьтö 3,3 млрд шайт.

Вылынджык гижöмасö тöд вылö босьтöмөн 2020 воын Коми Республикаса республиканскöй сьöмкуд олöмö пöртöмсö öнйя доньялöмьяс серти, федеральнöй сьöмкудсянь отсöг вылö видзöдтöг, виччысьöны Коми Республикаса республиканскöй сьöмкудлысь дефицит, мый тöдчымөн вевтыртö сылысь значениесö, кутшöмöс вынсьöдöма öнйя во вылö Коми Республикаса республиканскöй сьöмкуд йылысь оланпасөн.

Öнйя условиеясын Коми Республикаса республиканскöй сьöмкудсö вайöдны балансö позьö сöмын Коми Республикаса сьöмкуд да ашшöрлуна учрежденияяслөн тшöтьяс вылын коляс сьöмсö, а сидзжö канму заимствованиеяссö кыскöмөн сы мындаын, мыйта лoö унджык öнйя во вылö Коми Республикаса республиканскöй сьöмкуд йылысь оланпасөн вынсьöдöм значениеысь.

Россия Федерациялөн сьöмкуд системаса сьöмкудьяс олöмö

пöртöмын сьöкыдлуньяссö тöд вылö босьтöмөн федеральной оланпастэчасөн урчитöма, мый 2020 воын сьöмкуд олöмö пöртан кывкöртöдьяс серти Россия Федерацияса субъектлөн сьöмкуд йылысь оланпасөн урчитöм сьöмкудлысь дефицит мындасö да канму уджйöзлысь медвылысь тшупöдсö вермöны кыпöдны сьöмкуд ассигнование мында вылö, кутшöмьясöс веськöдöма экономикаын серпас лёкмöмлөн экономикаын отрасляс сөвмöдöм вылö тöдчöмысь öлöдöмкöд, COVID-19 паськалöм вöсна лоöм лекторйысь öлöдöмкöд да сийöс бырöдöмкöд йитчöм мероприятияяс сьöмөн могмöдöм вылö, 2019 во серти Россия Федерацияса субъектлысь вот да вотысь öтдор чöжöс чинтан мында вылö, а сидзжö сьöмкуд кредитьяс реструктуризуируйтан условияс вежöмкöд йитöдын.

Такöд öттшöтш рöскöд кöсйысьöмьяс олöмö пöртöмсö могмöдан да Коми Республикаса республиканскöй сьöмкуд балансируйтан мераясыс вылынджык лыддьöдлöм став факторсö тöд вылö босьтöмөн öнйя воын содтöд дзескöдöны да содтöны рискьяс локтан во да планöвöй период вылö Коми Республикаса сьöмкуд системалөн зумыдлун серти.

II. 2021 во вылö да 2022 да 2023 воясыя планöвöй период вылö Коми Республикаса сьöмкуд да вот политикаын медшöр нырвизьяс

Локтан куим вося периодын сьöмкуд да вот политикаын медшöр нырвизьясөн, Коми Республика мутасын национальной проектьяслысь медшöр могьяс збыльмöдигөн да COVID-19 нивелируйтигөн, лоöны Коми Республикаса сьöмкуд системалысь баланссö могмöдöм, сы лыдын:

Коми Республикаса республиканскöй сьöмкудйын вотысь да вотысь öтдор чöжöс содöмсö могмöдöм отсöгөн;

Коми Республикаса республиканскöй сьöмкуд рöскöдлысь содöмсö кутöм отсöгөн, кутшöмöс абу могмöдöма чöжöс содöмөн да (либö) рöскöд оптимизируйтöмөн;

Коми Республикаса öтйöза сьöмөн веськöдлан системасö бурмöдöм отсöгөн;

Коми Республикалысь канму уджйöз ыдждасö безопаснöй тшупöдын видзöм, дефицит нивелируйтöм да Коми Республикаса республиканскöй сьöмкудлысь инанлун могмöдöм отсöгөн.

Шöр инструментөн, мый отсалö решитны сувтöдöм могсö, важ ногыс кольö Бурмöдан уджтас.

Коми Республикаса вот политика збыльмöдан медшöр могөн лоö, öти-кö, динму экономика пыр кыпöдöм вылö условияс видзöм, предпринимательство да инвестициясын водзмöстчыны отсалöм, мöд-кö, сьöмкуд зумыдлун видзöм, Коми Республикаса республиканскöй сьöмкудйын чöжöслысь колана ыджда босьтöм да сьöмкудлысь баланссö могмöдöм.

2021 – 2023 вояс вылö Коми Республикаса вот политикаын медшöр

нырвизьясөн кольёны экономика сөвмөдан индөм темпьяссө могмөдөм, дінму мутасын инвестиция удж ышөдөмөн, вот нагрузка оптимизируйтөмөн, абу окталуна вот кокньөдьяс бырөдөмөн Коми Республикаса өтүвтөм сьөмкудлысь чөжөс кыпөдөм вылө чөжөс позянлуньяссө олөмө пөртан окталунсө кыпөдөм серти збыльмөдан нин мераяс, сы лыдын:

экономика кыпөдөмсө ышөдөм, предпринимательство да инвестиция удж сөвмөдөм вылө бур условиеяс лөсьөдөм отсөгөн;

татшөм ышөдан инструментөн, кызди вот мынтысьяслы – Коми Республика мутасын национальнөй проектьяс збыльмөдөмө пырөдчысьяслы, а сідзжө налы, кодьяс быд во инвестируйтөны дінму экономикаө 15 млрд шайтысь унджык, организацияслөн чөжөс вылө вот серти инвестиция вот перйөм, вөдитчөм отсөгөн;

кырымалөм торья инвестиция контракт серти вот кокньөдьяс водзө сетөм отсөгөн;

вот кокньөдьяс сетөмөн ИШП субъектьяслы водзө отсөг сетөм отсөгөн;

Коми Республика мутасын ИШП сөвмөдан медшөр могьяс вылө торья вот режимьясөн вөдитчөмсө бурмөдөм отсөгөн;

предпринимательскөй удж легализуйтөм, гражданаөс предпринимательскөй уджө ышөдны отсалөм да уджикас чөжөс вылө вотөн вөдитчан практика паськөдөмөн неформальнөя уджалөмсө чинтөм вылө веськөдөм мераяс збыльмөдөм, гражданаөс «ас вылө уджалысьясөн» пасйөм да найөс экономикаө пыртөм отсөгөн;

Коми Республика мутасын торья категория вот мынтысьяслы, кодьяс моторнөй ломтас пыдди вөдитчөны природнөй биаруөн, транспорт вот серти чинтөм вот ставкаяссө төд вылө босьтөмөн Коми Республика мутасын биару ломтас рынок сөвмөдөм, биаруөн заправитчан инфраструктура объектьясөн могмөдан тшупөдсө кыпөдөм отсөгөн;

Коми Республикаса олөмө пөртысь власьт органьяслысь, Коми Республикаын муниципальнөй юкөньяслөн меставывса асвеськөдлан органьяслысь да федеральнөй олөмө пөртысь власьт органьяслөн Коми Республикаын мутас органьяслысь сьөмкудьясын чөжөс өшмөсьяссө бура администриуйтан да найөс чукөртан тшупөдсө кыпөдан, вот база легализуйтан, недоимкаяс чинтан юкөнын өтүв уджаланногьяссө бурмөдөм серти уджсө водзө нуөдөм отсөгөн;

Россия Федерацияса Веськөдлан котырөн урчитөм өтүвья корөмьяс төд вылө босьтөмөн, а сідзжө 477 №-а шуөм серти, вот кокньөдьяслысь да чинтөм вот ставкаяслысь окталунсө доньялөм могысь Коми Республикаса вот рөскод серти кураторьяскөд уджсө котыртөм отсөгөн;

вына вот кокньөдьяс, вот (вот рөскод) серти мездөмьяс да мукөд преференция Коми Республикаса канму уджтасьяслөн, Коми Республикалөн канму уджтасьясса тэчас элементьяслөн медшөр могьяскөд

да (либö) Коми Республикаса социально-экономическöй политикаын медшöр могъясöд йитöм серти уджсö водзö нуöдöм отсöгөн, кутшöмъяс оз пырны Коми Республикаса канму уджтасъяс лыдö;

сетöм вот кокньöдъяс да преференцияс оптимизируйтöм отсöгөн.

2021 во заводитчöмсянь Коми Республика мутасын көсйöны урчитны татшöм вот преференцияс:

медводдзаясь пасйöм ашöр уджалысьяслы вот перьян кокньöдöм да патентнöй системаясөн вöдитчигөн Коми Республика мутасын «вот каникуल्याслысь» вынсö 2024 вося тöвшöр тöлысь 1 лунöдз нюжöдöм;

чорыд коммунальнöй шыбласъясөн вöдитчöм серти дінму операторъяслы организацияслөн чуктöс вылö вот серти вот ставкасö 0 % мындаын урчитöм;

сöмын электрическöй двигательяса көлесаа транспорт средствояс кыин кутысьясöс транспорт вот мынтöмысь мездöм.

Таысь кындзи, 2021 вося тöвшöр тöлысь 1 лунсянь Коми Республика мутасын Россия Федерациялөн Арктика зонаса резидентъяслы көсйöны урчитны вот кокньöдъяссö организацияслөн чуктöс вылö вот серти, кутшöмöс колö вуджöдны Коми Республикаса республиканскöй сьöмкудйö, организацияслөн эмбур вылö вот серти, а сідзжö көсйöны урчитны вот перьян кокньöдöм системаөн вöдитчигөн чинтöм вот ставкаяс.

Коми Республика мутасын меставывса сьöмкудъяслысь ас чöжöс база содтöм да ёнмöдöм могысь РФ СК серти 2021 восянь көсйöны:

урчитны торья йöзлөн чöжöс вылö вотысь, кутшöмöс суйöрсайса граждана пыр öткодя мынтöны авансöвöй мынтöмөн сэк, кор найö Россия Федерация мутасын уджалöны патент подув вылын, Коми Республикаса республиканскöй сьöмкудйö, кар кытшъяслөн да муниципальнöй районъяслөн сьöмкудъясö 30 прöцент мындаын отчисление нормативсö;

тырвыйö вуджöдны меставывса сьöмкудъясö Административнöй инöд торкалöмъяс йылысь Россия Федерацияса кодексөн урчитöм сьöм перйöмъясысь (штрапъясысь) вотысь öтдор чöжössö сэк, кор штрафуйтöм йылысь шуöмсö примитисны мирöвöй ёрдысьяс, тыр арлыдтöмъяслөн делöяс да налысь инöдъяс дорьян комиссияс (туй кузя ветлан юкöнын административнöй инöд торкалöмъясысь штрафъяс кындзи), кутшöмъясöс колö вуджöдны республиканскöй сьöмкудйö (өнi РФ СК-лөн 46 статья серти тайö штрафъяссö вуджöдны кар кытшъяслөн да муниципальнöй районъяслөн сьöмкудъясö 50 прöцент норматив серти).

Окталуна сьöмкуд политикасö кутасны збыльмöдны сы отсöгөн, мый:

1) верктуялöны 204 №-а Индöдлөн да 474 №-а Индöдлөн положениеясөн урчитöм медшöр могъясöдз воöдчöмсö, а сідзжö збыльмöдöны лöсялана дінму проектъясса мероприятияяссö, сы лыдын найöс медводдзаяс лыдын сьöмөн могмöдöмөн;

2) кольöны урчитöм социальнöя отсалан мераяссö да бурмöдöны найöс водзö;

3) Коми Республикаын экономика серти быд морт выло шоркодъ сьом чожослысь вежсьомсö тод выло босьтомон кутоны сьомкуд сфераса уджалысьяслы уджысь мынтысян тшуподсö, Ылі Войвыв районьясын да накод откодялом местаясын удждон дорö содтом районной коэффициент да прочента содтод тод выло босьтомон могмодоны МРОТ-ысь абу ичотджык удждонсö, индексируйтöны Вескөдлан котырлөн сьомкуд комиссияөн вынсьодом локтан финансöвöй во выло Коми Республикаса республиканской сьомкудлысь рөскод индексируйтан параметрьяс серти уджысь мынтысьомсö;

4) бурмодоны стратегическөя да сьомкуд планируйтөмсö:

Коми Республикаос социальной да экономика боксянь сөвмөдан стратегиялысь, канму уджтасьяслысь да дінму проектьяслысь торья мога петкөдласьяссö систематизируйтөм да иерархия лөсьодом отсөгөн торья мога индикаторьяслысь системасö водзö стөчмөдомон, кутшөмьяс эмось стратегическөя планируйтан документьясын;

Россия Федерацияса Вескөдлан котырлөн 2019 во төвшөр төлысь 31 лунся 117-р №-а тшөктөмон вынсьодом 2019 – 2024 воясö сьомкуд рөскодлысь окталунсö кыпөдан концепцияса положениеяссö тод выло босьтомон стратегическөя, уджтаса да торья мога планируйтөмлысь логической йитөдьяссö лөсьодом отсөгөн, а сідзжө администрируйтөмсö бурмөдом да оптимизируйтөм отсөгөн (сьомкуд сьомсö öдйö выль пөв юклены позянлунсö пыртөмон);

Коми Республикаса республиканской сьомкуд «уджтас форматын» сьомкуд планируйтан да олөмө пөртан нормативной инөда базасö бурмөдом, а сідзжө быд дінму проектлысь торья мога рөскод статьяяссö Коми Республикаса республиканской сьомкуд йылысь оланпасын да Коми Республикаса меставывса сьомкудьяс йылысь помшүөмьясын специализируйтөм отсөгөн;

Коми Республикаса канму уджтасьяслөн окталун серти, сы лыдын сьомкудкостса трансфертьяс сетөм серти артмөдчөмьяс збыльмөдом выло веськөдом налысь мероприятияяс збыльмөдомысь виччысяна бөртасьяс серти, аудит да мониторинг нуөдан системасö сөвмөдом отсөгөн;

стратегическөя, уджтаса да торья мога планируйтөмсö да проектнөя веськөдлөмсö бурмөдом отсөгөн;

5) оптимизируйтöны сетан услугаяслысь ногтуй кыпөдомсö могмөдом могысь канму да муниципальной учреждениеяссö;

6) оз лэдзны Коми Республикалысь рөскод көсйысьөмьяс урчитөмсö, кутшөмьяс абу йитчөмаөсь юалөмьяс решитөмкөд, кутшөмьясöс Россия Федерацияса Оланподулөн да федеральной оланпасьясөн пыртөма Россия Федерациялөн субъектьясса канму власьт органьяслөн уджмогьясö;

7) кутчысьöны Россия Федерацияса Вескөдлан котырлөн урчитөм Коми Республикаса канму власьт органьясöс видзөм выло рөскод лөсьөдан нормативö;

8) бурмөдöны Коми Республикалысь канму да муниципальной могъяс вылö вузöс, уджъяс, услугаяс ньöбан система, сы лыдын:

сьöмкуд процесскöд топыд йитöдын канму могъяссö планируйтöмөн;

сьöмкуд сьöмөн окталуна вöдитчöм да закупка объектъяс опишитигөн торкöмъяслысь лыд чинтöм могысь конкурентнöй ногъясөн збыльмöдан став закупка серти Коми Республикаса заказчикъяслы поставщикъясöс (пöдградчикъясöс, збыльмöдысьясöс) индöм вылö уджмогъяс öтувтöмөн;

«электроннöй магазин» принципъяс подув вылын поставщикъясöс (пöдградчикъясöс, збыльмöдысьясöс) индан практика паськöдöмөн ичöt йöрыша канму да муниципальной закупкаяслөн процесслысь тыдаланлун тшупöдсö кыпöдöмөн заявка-офертаяс закупкаясö пырöдчысьясöс водзвыв меститöмөн да медичöt донъяса вöзйöмъяс на костын öдийö бöрийны позянлунөн;

öти и сийö жö прöдукция ньöбöмсö öтувтöм могысь поставщикъясöс индан öтувъя процедураяс нуöдан практикасö паськöдöмөн;

закупкаяс серти удж збыльмöданногсö öткодялöмөн, ньöбан вузöс дорö типöвöй корöмъяс дасьтöмсö да вывти уна потребительскöй свойства закупкаяс киритöмсö, закупкаяс сфераын öтувъя юöртан системаын меститöм вузöс, уджъяс, услугаяс каталоглысь позициясö опишитöмөн закупка йылысь юөр стандартизуйтöмсö пыртöмөн;

закупкаяс сфераын öтувъя юöртан системаын (ÖЮС) примитöм йылысь электроннöй документъяс лöсьöдан функционалөн вöдитчöмөн вынсьöдöм электроннöй кырымпасөн вайöм вузöс, вöчöм удж (сылысь бöртасъяссö), сетöм услуга примитöм йылысь документъяс кырымалан практика пыртан юкöнын контрактъяс олöмö пöртöмлысь тыдаланлун тшупöдсö кыпöдöмөн – электроннöя анкетируйтöм;

9) бурмөдöны пытшкöсса канму финансöвöй контрольсö да канму да муниципальной могъяс вылö вузöс, уджъяс, услугаяс ньöбан сфераын контрактнöй система йылысь Россия Федерацияса оланпастэчасö да мукöд нормативнöй инöда актö кутчысьöм бöрся контрольсö сийöс ведомство тшупöдын стандартизуйтöмөн;

10) пöртöны олöмö мероприятиеяслөн прогнознöй план серти Коми Республикаса канму эмбур асэмбуралöмсö, та дырйи вөрзьöдны позьтöм эмбур объектъяслысь öтувъя лыдсö, кутшöмъясöс колö асэмбуравны, лöсьöдасны Коми Республикаса олöмö пöртысь власьт органъяслөн вöзйöмъяс подув вылын;

11) «Канмусянь кадастрöвöя донъялöм йылысь» Федеральнöй оланпас серти нуöдöны му участокъяссö ас кадö да бура кадастрöвöя донъялöмсö (2021 воын – олан пунктъяслөн муяс лыдö пырысь му участокъяс, 2022 воын – капитальнöя стрöитан объектъяс, 2023 воын – видз-му овмöс тöдчанлуна муяс лыдö пырысь му участокъяс);

12) сы могысь, медым бурмөдны Коми Республикаса канму эмбурö пырысь овмöс котырьяслөн уставнöй капиталъясын акциясөн, пайясөн

веськӧдлӧмсӧ, Коми Республикаса Веськӧдлан котырлӧн 2016 во косму тӧлысь 12 лунся 149-р №-а тшӧктӧд серти вуджӧдӧны (мынтӧны) акцияс серти дивидендыяс, Коми Республикаса республиканскӧй сьӧмкудйӧ вот чинтӧм бӧрын кольӧм чуктӧсысь юкӧн (50%-ысь абу этшаджык);

13) кыскӧны дӧнму проектяс сьӧмӧн ӧтув могмӧдӧм вылӧ федеральнӧй сьӧмкудйысь субсидияс Коми Республикаса республиканскӧй сьӧмкуд позянлуньяс серти, а сӧдзжӧ босытӧны сьӧмкуд сьӧм аддзӧм могысь федеральнӧй сьӧмкудйысь мукӧд отсӧг да веськӧдӧны найӧс Коми Республикаӧс социальнӧй да экономика боксянь сӧвмӧдан мукӧд верктуя нырвизь сьӧмӧн могмӧдӧм вылӧ;

14) юклӧны локтан финансӧвӧй во да планӧвӧй период вылӧ республиканскӧй сьӧмкуд йылысь Коми Республикаса оланпас серти Коми Республикаса республиканскӧй сьӧмкудйысь меставывса сьӧмкудыяслы субсидияс (конкурс серти юклан субсидияс, Коми Республикаса Веськӧдлан котырлӧн резервнӧй фонд тшӧт весьтӧ меставывса сьӧмкудыяслы субсидияс да субсидияс кындзи, кутшӧмьясӧс сьӧмӧн могмӧдан ӧшмӧсӧн лоӧны Россия Федерацияса Президентлӧн да Россия Федерацияса Веськӧдлан котырлӧн резервнӧй фондяс тшӧт весьтӧ сьӧмкудкостса трансфертыяс);

15) водзӧ вӧдитчӧны сьӧмкудкостса трансфертыяслӧн видзтӧм колясыяслысь ыдждасӧ чинтӧм могысь «збыльвывса коланлун серти вуджӧдан» механизмӧн;

16) вӧдитчӧны Коми Республикаса республиканскӧй сьӧмкудйысь меставывса сьӧмкудыяслы субсидияс лӧсьӧдан, сетан да юклан правилӧясӧн, мый вынсьӧдӧма Коми Республикаса Веськӧдлан котырлӧн 2019 во кӧч тӧлысь 6 лунся 422 №-а шуӧмӧн;

17) бурмӧдӧны канму услугаяс сетӧмсӧ:

канму услугаяссӧ электроннӧй вуджӧдӧм отсӧгӧн (водзӧ вылӧ 2023 воӧдз периодын кӧсйӧны автоматизируйтны 17 канму услуга да 3 муниципальнӧй услуга);

канму услугаяссӧ цифрӧвӧя трансформируйтӧм отсӧгӧн;

Коми Республикаса олӧмӧ пӧртысь власьт органьяслысь да Коми Республикаса канму учреждениеяслысь канму услугаяссӧ сетӧм вылӧ канму да муниципальнӧй услугаяс сетан уна мога шӧриньясӧ сетӧм отсӧгӧн;

канму услугаяс сетӧм вылӧ колана документьяс да канму услугаяс сетан административнӧй процедураяс, кутшӧмьясӧс сетӧны Коми Республикаса олӧмӧ пӧртысь власьт органьяс да Коми Республикаса канму учреждениеяс, оптимизируйтӧм отсӧгӧн;

18) водзӧ пыртӧны Коми Республикаын энергосервиснӧй контрактяс кырымалан практика;

19) нуӧдӧны помӧдз стрӧйттӧм объектяс серти, кутшӧмьясӧс сьӧмӧн могмӧдисны Коми Республикаса республиканскӧй сьӧмкуд сьӧм

тшӧт весьтӧ, помӧдз вайӧдтӧм капиталнӧй вложениясӧн ӧтувья рӧскод спишитан процедураяс;

20) водзӧ нуӧдӧны Коми Республикаса канму сьӧм овмӧсӧн веськӧдлан системаӧ сьӧмкуд рӧскодлысь обзор пыртан практикасӧ;

21) уна гражданаӧс корӧны пырӧдчыны торья сьӧмкуд помшуӧмьяс видлалан да примитан, налӧн окталун да бӧртаслун бӧрся ӧтйӧза контроль нуӧдан процедураясӧ татшӧм ногӧн:

гражданалысь водзмӧстчан проектяс збыльмӧдӧмӧн, «Россия Федерацияын меставывса асвеськӧдлӧмсӧ котыртан ӧтувья принципьяс йылысь» Федеральнӧй оланпасӧ вежсьӧмьяс пыртӧм йылысь» 2020 во сора тӧлысь 20 лунся 236-ФЗ №-а Федеральнӧй оланпаслӧн выльторьяс серти, «Войтырлӧн сьӧмкуд» проектлысь веркутя нырвизьясӧ паськӧдӧмӧн (2021 восянь содӧны гӧгӧртас видзан да ӧткодь позянлуна гӧгӧртас сфераясын нырвизьяс), «Школаын войтырлӧн сьӧмкуд» пилотнӧй проектӧ 10 муниципальной юкӧнсӧ пыртӧмӧн;

йӧзлысь сьӧмкуд да финансӧвӧй тӧдӧмлун кыпӧдӧм серти мероприятиеяс нуӧдӧмӧн, сы лыдын Коми Республикаын лӧсьӧдан финансӧвӧй тӧдӧмлунлӧн портал пыр йӧзӧс финансӧвӧй тӧдӧмлунӧн паськыда тӧдмӧдӧмӧн да налы юӧртӧмӧн;

«Ӧтуввез» юӧртан да телекоммуникация везйын (сы лыдын Россия Федерацияса сьӧмкуд системалӧн ӧтувья порталын) сьӧмкуд процесс збыльмӧдӧмкӧд йитчӧм юӧр восьсӧн йӧзӧдӧмӧн;

«Ӧтуввез» юӧртан да телекоммуникация везйын «Гражданалы сьӧмкуд» юӧртан брошюраяс лӧсьӧдӧмӧн да публикуйтӧмӧн;

сьӧмкуд мыччӧдьяслӧн восьсалун юкӧнын Коми Республикаын муниципальной юкӧнъясӧ донъялӧм;

Коми Республикаса канму уджтасьяс збыльмӧданног да налысь окталунсӧ донъялӧм йылысь вося ӧтчӧтъясӧ Коми Республикаса канму уджтасьясӧ кывкутӧмӧн олӧмӧ пӧртысьяслӧн официальной сайтъясын йӧзӧдан практика водзӧ нуӧдӧмӧн, а сӧдзжӧ Коми Республикаса олӧмӧ пӧртысь власьт органьяс бердын ӧтйӧза сӧветьяс дырйи найӧс кывзӧмӧн;

22) ышӧдӧны «Ичӧт да шӧр предпринимательство да предпринимательяслы водзмӧстчыны отсалӧм» национальной проект збыльмӧдӧм серти Коми Республика мутасын ИШП субъектъяслысь предпринимательясӧс водзмӧстчыны, сы лыдын татшӧм нырвизьяс сӧвмӧдӧм тшӧт весьтӧ:

сьӧмкудйысь веськыд субсидиясӧн этша окталуна отсалан формаясысь экономикалӧн став отрасльын возвратнӧй отсалан инструментьяс сӧвмӧдӧмланы вуджӧм (ИШП субъектъяслысь финансӧвӧй ӧтсӧгӧн вӧдитчыны позянлунсӧ паськӧдӧм могысь кӧсйӧны водзӧ докапитализируйтны кредитнӧй да гарантийнӧй ӧтсӧг сетысь организациясӧ, мый сетӧ позянлун ИШП субъектъяслы вӧдитчыны кокньӧдӧм ставкаяс серти лизингӧвӧй прӧдуктъясӧн);

канмуён веськөдлан да услугаыс сетан юкёнын цифрөвөй технологияыс да платформаыс вылын уджалысь аддзёмторьяс да предпринимательство субъектыслён интересьясын мераыс пыртан процессö пырөдчөм, Россия Федерацияса экономика сөвмөдан министерствоён дасьтөм «Менам бизнес» предпринимательстволы отсалан канму цифрөвөй платформа серти ИПП субъектыс, ведомствоыс да сөвмөдан институтыс костын мычкөдьясөн дистанционнөя вежласьны позянлун вылө отувья пыран точка могмөдөм;

Шөринлысь услугаыссö бизнеслөн вежласян могьяс серти адаптируйтөмөн «Менам бизнес» шөрин да бизнеслы УМШ öшиньяс сөвмөдөм;

абу коммерческой секторлы канмусянь отсалөм – финансөвөй грантөвөй отсөг сетөм да социальной нырвизя абу коммерческой организациясса уджалысьяслысь велөдан уджтасьяс збыльмөдөмөн квалификация тшупөдсö кыпөдөм;

23) вуджөдöны казначейскöй мынтөмьяс системаса пырөдчысьясöс отувья казначейскöй тшөт серти казначейскöя могмөдөм вылө да казначейскöй мынтөмьяс системаö;

24) могмөдöны Коми Республикаса республиканскöй сьөмкудлысь баланссö:

дефицита, мый оз ло унджыкөн РФ СК-өн урчитөм медыджыд значениеысь, Коми Республикаса республиканскöй сьөмкуд балалысь медшөр характеристикаыс лөсьөдөм отсөгөн;

Коми Республикаса республиканскöй сьөмкудлысь рөскодсö отувтөм, сы лыдын медводз йөзлы колана сьөмкуд кöйысьөмьяс олөмө пöртөмсö, 204 №-а Индөд да 474 №-а Индөд серти збыльмөдан динму проектъяслөн медшөр могьясөдз да петкөдласьясөдз воөдчөмсö могмөдөм могысь;

муниципальной юкөнъяслы содтөд сьөмкуд дзескөдөмьяс пыртан юкёнын, кутшөмьяс дырйи позьö нюжөдны уджйөз да (либö) сьөмкуд кöйысьөмьяс серти уджйөзсö РФ СК-өн урчитөм значениеысысь унджык вылө, сьөмкуд политика нуөдигөн сьөмкудьясын баланс торксыны лоны верман рискьяс дырйи Коми Республикаын меставывса асвеськөдлан органьяслысь кывкутөмсö вынсьөдөм;

25) воөдчöны уджйөзын зумыдлун петкөдласьяслөн значениеысөдз, кутшөмьяс лөсялöны сьөмкуд кредитьяс реструктуризируйтөм йылысь артмөдчөмьяслөн условиеяслы, кутшөмьясöс 2017 воын Коми Республикалы сетөма федеральной сьөмкудйысь, могмөдöны Коми Республикаса канму уджйөз ыдждалысь да сьлөн тэчаслысь Коми Республикаса сьөм овмөсын позянлуньяслы лөсялөмсö:

Коми Республикаса уджйөз портфельлысь тэчассö вежөм серти удж нуөдөмөн, кутшөмөс веськөдөма Коми Республикаса канму уджйөз бырөдөм да сйөс могмөдөм серти отувья мынтөмьяс өткодя юклөм вылө, медым эз ло Коми Республикаса республиканскöй сьөмкуд вылө «вывті

ыджыд» нагрузка;

канму гарантияс сеттöмөн;

финансöвöй рынокын Коми Республикаса республиканскöй сьöмкудлы лöсялана кадколаст да дон серти условиеяс вылын босьтны позяна ресурсьяс бöрйöмөн.

Колö, медым 2021 – 2023 вояс вылö Коми Республикаса сьöмкуд да вот политикаын колис безопаснöй пределын уджйöз нагрузкасö кутöмөн балансируйтöм сьöмкудйöдз воöдчöм вылö вот чöжöс база зумыда содтiгөн да рöскöд кутiгөн видзны Коми Республикаса сьöмкуд системалысь зумылдунсö сы могысь, медым дугдывтöг пöртны олöмö национальнöй проектьяс збыльмöдöм серти Коми Республикалысь кöсйысьöмьяссö.